

瀉落紅塵千億雪

徐龍飛  
著

開明書店

江山萬里琴詩畫

書卷一生文史哲

# 目錄

## 自序

卷一	中學之什	9
卷二	大學之什	19
卷三	留德之什	61
卷四	帝都之什	125
附一	自由體新詩	363
附二	文	369

---



❁

## 自序

❁

### 調寄夜飛鵲

梅花倚人處，詩酒何其？

春與暮色霏微。

江陵舊事正清賞，西風秋水露衣。

雲山證今古，恰行吟攜仗，北斗南箕。

江湖駘宕，記當年、書劍逶迤。

千里夢輕心事，年少憶新豐，誰辨鴻泥？

明月晨霜今夜，禪心古潤，情入「茲疑」。

老雞攬事，又喔喔、欲倒璇璣。

趁爐邊葑火，新詩入簡，老酒三提。

承蒙香港開明書店厚愛，經責任編輯熊玉霜女士之精心編纂，美術設計高林女士極具品味之策劃，詩詞集《瀉落紅塵千億雪》刻諸翠琰，內心感激不盡。

愚生於庚子、今又庚子，幼承庭訓，喜讀

詩賦；詩雖末技，亦當詠志，故而學問之餘，時有諷誦，且「天心偏愛徐公子」，令余之詩詞，皆庶幾一氣呵成者；雖饒有習作，然在愚視之，不過爾爾、未足稱道，於是隨手成之於片紙而不思度藏於篋中，以至多有散佚者；唯近年來，友人同道，數度敦促，因而於所見詩詞中選錄三百餘首（附錄新詩、散文若干），蒐集結冊，多為記錄一甲子之習學歷程者；而為人捉刀之詩文，雖辭藻與文意俱佳，然皆不錄入焉。

曩者北大耆舊趙敦華教授曾問余：君既飲酒、又復寫詩，何時作的學問呢？愚據實答曰：人皆晚餐，而愚亦晚餐，餐則往往飲酒，飲酒又未免胡謔，酒飯未畢，詩文已成，因而飲酒賦詩皆尋常一飯之間者也；時間者大多用於專業讀書、教學、研究。趙公深以為然。且拙作常在同仁與友人間傳閱，多有稱頌者，謂之「溫婉而大氣」，亦未免有尋章摘句而模仿者，約十餘年前，北大耆舊王宗昱教授曾當余與某公之面曰：某公「之詩寫得越來越像龍飛（之詩

作)」；余聞之甚慰——甚慰之原因此處省略，讀者諸君可自行腦補。

而「江山萬里琴詩畫，書卷一生文史哲」者，乃自撰一聯，江山共書卷、琴畫與文史，皆所愛焉，而「一生」者，一介書生而已，詩、哲盡在其中矣！

2020年11月29日，陰曆庚子年十月十五月圓之夜，用清真體夜飛鵲一揮而就以為序。

霜葉未紅龕主人謹識

## 七律 讀史



國步維艱，有感讀史；時正寫作《立法之路》

讀史何堪故紙堆？  
天潢帝胄竟灰飛。  
范陽城堞依然在，  
陳涉旌旗指日回。  
禾黍荒離難形勝，  
山川棋枰問阿誰？  
收拾弓馬驪山下，  
敢與秦師獵一圍。

溽暑之中，奮力苦讀劉安《淮南子》、聖多瑪斯拉丁本《神學大全》，並寫作法哲學《立法之路》，間隙一揮而就。

2018年6月29日  
於聯邦德國美茵河畔法蘭克福

## 七律 讀史之二



有感而讀史；時正寫作《立法之路》

青簡幾多興廢書？  
開元往事憶當初。  
久無驛使來天外，  
剩有紅塵捲地乎？  
國步凋傷皆徒爾，  
山河薇粟一斯須。  
烏衣巷口夕陽下，  
滿眼驪山空霸圖。

溽暑之中，奮力苦讀聖多瑪斯《神學大全》，  
並寫作其法哲學思想之間隙，一揮而就。

2018年7月4日  
於聯邦德國萊茵河畔小城波恩



## 七律 讀史之三



有感而讀史；時正寫作《立法之路》

已報秦師併六國，  
蕭蕭易水憶荊軻。  
離離彼黍川原秀，  
浩浩東流渭水波。  
河嶽奮張出塞曲，  
人民謳啞疏勒歌。  
勉開鈍眼巡天外，  
為賦人間興廢多。

溽暑之中，奮力苦讀聖多瑪斯《神學大全》，  
並寫作其法哲學思想之間隙，一揮而就。

2018年7月5日  
於聯邦德國萊茵河畔小城波恩

## 七律 讀史之四



讀宋史定州料敵塔，《遼史》有「宋主奔逃」句；時正寫作《立法之路》

一俟陳橋壯飛煙，  
料敵塔上望旌旛。  
山河鎖鑰憑誰論？  
鎮定開闔雄霸篇。  
宋主奔逃臨易水，  
遼師捷報入前川。  
感時一酌惟懷古，  
余輩哪得興廢看！

溽暑之中，奮力苦讀聖多瑪斯《神學大全》，並寫作其法哲學思想之間隙；鎮、定、雄、霸者，河北四州之名也，古有鎮國鎖要之稱；且鎮定對山河、雄霸對憑誰亦頗工整，稍有一得之矜也。一揮而就。

2018年7月5日

於聯邦德國萊茵河畔小城波恩

## 七律 無題



時正寫作《立法之路》

陌上青青世事花，  
微塵花畔盡恒沙。  
慧心空境才依照，  
夜雪須彌又聞笳。  
起看桂漿援北斗，  
何當山鬼憶蒹葭？  
恒持剎那千劫後，  
誰向蒼蒼佩此鈇？

溽暑之中，奮力苦讀聖多瑪斯《神學大全》  
而寫作法哲學之間隙，以讀《楚辭》為休息，有感，一揮而就。

2018年7月23日  
於聯邦德國萊茵河畔小城波恩

## 七律 夜讀



時正寫作《立法之路》

窈窕瓊園花木颺，  
國朝名姓動虞庠。  
珠旒錯彩漾金碧，  
翠幄雕章泥畫梁。  
石渠墨氣成腴美，  
青簡情思追漢唐。  
公子溫書心意遠，  
上林已報夜添香。

寫作法哲學《立法之路》，聖奧斯定日夜讀  
有感，一揮而就。

2018年8月28日  
於聯邦德國萊茵河畔小城波恩

## 金縷曲



完成《法哲學——教會法典與國家律法》  
初稿有作

生死誰一也？

看香塵、空籠四海，須彌一屑。

凍徹殘花真無數，何必摩尼妥貼？

更今古、龍紋清冽！

孤月有晴生海上，入平羌、疏影夢真切。

青酒勁，揮金鉞！

竟然衣髮森森結。

向人間、超然曠度，幾經摧折！

滿袖梅花平生意，鼎耳劍鉞輕攝！

但惆悵，群經荒滅。

心境從來千劫外，正紅泥燃盡灰如雪。

春甕起，賦長闕！

於聯邦德國萊茵河畔小城波恩，一氣呵成。

2019年8月12日

## 慶春宮 登七山龍岩堡



時在讀書寫作修訂法哲學《立法之路》之  
教會法篇章間隙

蒼煙橫靄，天圍平野，淺秋一派嫣然。  
咫尺龍岩，千峰擁騎，濤聲獵獵眸前。  
春箋何處？但皴染、如許晴原。  
蘆花添絮，絲管抒懷，泥火菰蓴。

興亡不改山川。  
劫數參差，夢繞人間。  
草木秦城，衣冠唐闕，兔葵燕麥番番。  
會欄杆意，看千里、斜陽遠帆。  
憑高一飲，眼外胸中，百二雄關！

讀書寫作之餘，獨來七山散步，冶葉昌條、  
一叢一石盡皆老友；沿坡而上，過龍岩宮、直達  
龍岩堡，衣履盡染蒼翠；背倚群峰、古堡，天青  
雲白，爽氣撲來，千里在眼；下視萊茵一河，濤



聲自南而來，廓然心境，澹蕩塵表；陶朱張翰之餘，忽憶今年初春節候，瓦倫丁日，踏青聞笛，不意再度歸來，已是初秋；試問春歸何處？駘蕩春風，融入秋原，已成初秋之彩箋鸞注！

於古堡所設之露天啤酒，痛飲下山，胸中璀璨，豈慮杯深？途中捨路，跳入密林深處，擇人神無礙之地、鳥獸無害之隙，如江河之決堤，縱情奔放，跳珠亂濺，草木搖曳，俯仰承恩；外物不掛於眼，大醉寧忘吾身；歸而有作，一氣呵成。

2019年8月14日

於聯邦德國萊茵河畔小城波恩

## 西河 懷古



讀書寫作修訂法哲學《立法之路》之教會  
法篇章間隙有感，用清真體、用清真韻

雄麗地，崢嶸霸業憑記。

驚鶻急鹿兀奔突，秦戈振起。

山河縱轡下扶桑，勢出東嶽天際。

築長牆，堪自倚，度量書軌一系。

龍旗耀處骨森森，半填戰壘。

坑灰未冷鼓聲來，群雄西顧八水。

驪山塚破成鬼市，看依稀，冠蓋閭里。

青史若評今世，莫忽忽、千古興亡相對。

且說兵馬殘坑裏。

七十四年前之今日，「中國捷克日本，南京重慶成都」，日本戰敗無條件投降日。

2019年8月15日，聯邦德國萊茵河畔小城  
波恩讀寫法哲學之餘有作；一氣呵成。